



Poštovani diplomanti i magistranti,

Obraćamo Vam se s namjerom da Vam damo neophodne informacije u vezi sa održavanjem „Svečane promocije diplomanata i magistranata fakulteta i akademija Univerziteta u Sarajevu“, koja će se održati u subotu 07. novembra 2009. godine u dvorani „Zetra“ u Sarajevu (Ulica Alipašina bb) sa početkom u 11,00 sati.

Potrebno je da dođete u 10,00 sati ispred dvorane „Zetra“ na ulaz na koji je predviđeno da uđe Vaš fakultet/akademija i da se odmah javite administraciji sa Vašeg fakulteta/akademije koji će imati vidno označen natpis fakulteta/akademije. Mogući ulazi su A, B ili C. Detaljniji prikaz raporeda sjedenja fakulteta/akademija i oznake ulaza u dvoranu „Zetra“ možete pogledati na poleđini ovog obavještenja, te Vas molimo da se istog striktno pridržavate.

Nakon toga ćete zajedno sa ostalim diplomantima i magistrantima sa vašeg fakulteta/akademije organizovano ući u dvoranu „Zetra“, te biti upućeni na za Vas predviđeno mjesto.

Molimo Vas da pratite protokol programa i voditelje, te da ustanete u trenutku kada se bude obraćao dekan vašeg fakulteta/akademije i da na taj način propratite ovaj svečani trenutak.

Poštivanje ovih pravila je preduvjet da se na dostojanstven i organizovan način realizira promocija sedam hiljada diplomanata i magistranata.

Prije početka i tokom trajanja manifestacije možete se obratiti predstavnicima fakulteta/akademija koji Vam mogu pružiti sve potrebne informacije i pomoć.

U slučaju potrebe, dodatne informacije i objašnjenja možete dobiti u svojim studentskim službama prije održavanja manifestacije.

Vaša Pozivnica vrijedi i za ulazak najbliže rodbine, koji mogu ući istovremeno sa Vama i biti uz Vas u toku trajanja čitave manifestacije.

Molimo da u dvorani ostanete do samog završetka programa, jer će svi izlaziti iz dvorane zbog bezbjedonosnih razloga biti zatvoreni. Nakon završetka programa ostaje Vam dovoljno vremena da stignete na dodjelu diploma na matičnim visokoškolskim ustanovama.

Nakon završetka Svečane promocije, koja traje do 12,30 sati, potrebno je da odete na matični fakultet/akademiju gdje ćete na posebnoj promociji, koja počinje u 14,30 sati, primiti svoju diplomu.

Unaprijed Vam se zahvaljujemo na saradnji, te Vas molimo da se ovih uputa upotpunosti pridržavate, jer tako doprinosite kvalitetnom i organizovanom održavanju Svečane promocije.

Hvala na saradnji i sa radošću Vas očekujemo na našoj zajedničkoj svečanosti, te ujedno čestitamo na uspješnom završetku studija na Univerzitetu u Sarajevu!

ORGANIZATOR: Univerzitet u Sarajevu

Kontakt osobe: Gđica. Dijana Smajlović, e-mail: dijana.smajlović@unsa.ba (tel. 565-118)
Gđa. Alma Zolota, e-mail: alma.sljivo@unsa.ba (tel. 565-122)

Sarajevo, oktobar 2009. godine